

ղովուրդն՝ անէծ զնա, որ զկնի արքեպիսկոպոսին ծնրադրեսցէ (1): Վասն որոյ առաւել ցատուցեալ ժողովուրդն ի վերայ արքեպիսկոպոսին, զի զլաւանութիւն արարեալ էր, և ի նուիրակէն ոչ երկնէր, փակեցին զգրունս աթոռակալ եկեղեցւոյն. զոր տեսեալ արքեպիսկոպոսին զանօրէնութիւն նոցա ընդդէմ կանոնացն արարեալն.. — (այսպէս թողած է օրինակողն):

1632. ՌԶԱ. Նիկողայոս արքեպիսկոպոսն Լէօպոլսի Հայոց առեալ ի Վլադիսլաւ Սիկիզմունտէ թագաւորէն Լեհաց զճանապարհազիր, գայ ի Հռոմ առ Ուրպանոս փափն, տալով նմա զպարտական հնազանդութիւն. զոր մեծաւ պատուով ընկալաւ Սրբազան Փափն. շնորհեաց նմա զեմիփորոն արքեպիսկոպոսեան, և կոնտակաւ մակագրեաց զնա արքեպիսկոպոս Լէօպոլսի և բոլոր թագաւորութեան Լեհաց և Մեծի դքսութեան Լիթվանիոյ՝ ազգին Հայոց: Եւ այսպէս մեծարեալ դառնայ յաթոռն իւր:

1636. ՌԶԵ. Խօճայ Սէչովցի Յակոբշայի որդիքն՝ Վարդանն, Սահակն և Տօնիկն, զԼէօպոլսի դպրատան հաստակառոյց պարիսպն, և զգումն Ս. Խաչի եկեղեցւոյն՝ ի հիմանց շինեցին յայսմ ամի. որպէս յարձանէն սեաւ մարմինն երեւի:

1638. ՌԶԷ. Առ Վլատիսլաւ թագաւորն Լեհաց՝ յայսմ ամի՝ յուլիսի 23, զրեցին խնդրելով զպաշտպանութիւն նորա ի վերայ կրօնին իւրեանց՝ որ յԱսպահան՝ Հարքն Կարմելիտայք Բորիկք. զոր և ընկալան ի Շահ Սօֆիէն՝ յամի Տեառն 1647, նոյեմ. 9, կոնտակաւ, ոչ միայն վասն Կարմելիտայից՝ այլ եւս առաւել Եզուիդայից միախոնարաց, հաստատեաց:

1639. ՌԶԸ. Լէօպոլսեցիք՝ իբրեւ անօգնական մնացին ի Մովսիսէ կաթողիկոսէն, ապաւինին առ Փիլիպպոս կաթողիկոսն, յորմէ հաղիւ զկնի եւրից ամաց ընդունին զպատասխանին, 1638. հոկտ. 12, յԱսպահան զրեցեալն. որով յորդորէ զայլ քաղաքացիսն օգնել նոցա, զսակաւ ինչ յոյս տալով. վասն որոյ ընդ Պատրի (Հայր) Պօղոսին Բերմալլի՝ զգլխաւորութիւն ամանց ի վերայ պրակաց հաւատոյ և սխալութեանց ոմանց՝ ի զրի հաստատեալք, առաքեն զնոյն Պատրին առ Ուրպանոս Փափն՝ յայսմ ամի, ուլիսի 2. Թերեւս հրամայեսցէ արքեպիսկոպոսին թոյլ տալ նոցա մնալ յառաջին կրօնսն:

1640. ՌԶԹ. Արդ, Ուրպանոս Փափն գրէ թուղթ առ թագաւորն Լեհաց յայսմ ամի, ուլիսի 16, խնդրելով՝ զի օգնեսցէ Նիկողայոսին. և առ Փիլիպպոս կաթողիկոսն, յորդորելով զսա բազում վկայութեամբք և օրինակօք, մանաւանդ Ս. Գրիգորի Լուսաւորչին՝ ընդ Ս. Սեղբեստրոսի փափին, և Ֆլօրէնդիոս Ս. Ժողովոյն միաբանութեամբն, զալ յուղղափառութիւն: Յանձն

1. Կարծուի թէ օրինակողն մոռցեր է այս տեղ զրել քանի մի բառ: